

CAPSIDAE NOVAE AUT MINUS COGNITAE.

Auctore Dre. G. HORVÁTH.

Adelphocoris insignis n. sp.

Lurido-testaceus, subnitidus, scutello et hemelytris brevissime aureo-pubescentibus; capite, rostro antennisque fulvis; capite cum oculis latitudine basali pronoti duplo angustiore, vertice oculo tantum $\frac{1}{5}$ angustiore; rostro apicem coxarum intermediarum vix attingente, articulo quarto — basi excepta — nigro; antennis crassiusculis, versus apicem fulvo-ferrugineis, articulo secundo apicem versus leviter incrassato, articulis duobus apicalibus basi anguste albidis; articulo tertio latitudine basali pronoti circiter $\frac{1}{5}$ brevior; pronoto obsolete punctulato, antrosum fortiter declivi, basi quam apice fere triplo et quam longitudine sua fere duplo latiore, callis fulvis; scutello obsolete transversim strigoso, fulvo-ferrugineo; hemelytris apicem abdominis longe superantibus, margine imo costali corii nigro, vitta partis apicalis corii inter venam cubitalem et brachialem sita cuneoque — limbo externo et angulo basali interno exceptis — rubris, membrana infuscata, rubro-venosa; disco mesostethii et ventris nigricantibus; orificiis odoriferis flavo-albidis; pedibus fulvis, tibiis nigro-spinulosis, tarsis apice nigricantibus. ♂. Long. $9\frac{1}{2}$ mill.

Serbia: Ak-Palanka. (Mus. Hung.)

A. detricto FIEB. affinis, sed statura majore, rostro brevior, pronoto retrorsum fortius dilatato, vitta corii postica et cuneo rubris, hujus apice concolore membranaque rubro-venosa diversus.

Odontoplatys suturalis JAK.

Pycnopterna suturalis JAK. Revue mens. d'Ent. I. p. 110. (1883); REUT. Hem. Gymn. Eur. V. p. 140. 3. (1896).

Odontoplatys sibiricus REUT. Revue d'Ent. XIII. p. 134. 12. (1884); Hem. Gymn. Eur. V. p. 54. 2. (1896).

Species hæc sub duobus nominibus e Caucaso et e Sibiria orientali descripta est. Specimina caucasica (Novorossisk, Vallis Thana) et sibirica (Nikolsk) a me examinata nullam præbent inter se differentiam.

Lygus cervinus H.-SCH. var. coccineus n. var.

Corpore superne femoribusque posterioribus apicem versus sanguineis; apice clypei, linea intramarginali basali pronoti et vittis duabus scutelli nigris; corio ad angulum internum leviter nigricante; membrana nigro-fusca, rubro-venosa, macula parva rotundata mox ante medium marginis externi basique areolarum albidis. ♀.

Serbia: Požarevac. (Mus. Hung.)

Dimorphocoris tristis FIEB.

Ovatus, in utroque sexu brachypterus, rufescenti-griseus, plus minusve ferrugineo-conspersus, interdum fere totus ferrugineus, superne pilis brevissimis griseis parce vestitus et remote nigro-setulosus; capite cum oculis basi pronoti æquilato, a supero viso pronoti medio æquilongo, vertice plano, oculo duplo latiore, maculis duabus parvis obliquis inter oculos punctisque sex ad marginem posticum nigris notato, fronte verticali, convexa; oculis magnis, prominulis, circiter $\frac{2}{5}$ laterum capituli occupantibus; antennis ab oculis paullo remotis, breviter nigro-pilosis, articulo primo setis nonnullis rigidis nigris instructo, latitudini verticis æquilongo, articulo secundo latitudine basali pronoti $\frac{1}{4}$ longiore; rostro crasso, apicem coxarum posticarum attingente, apice nigro; pronoto horizontali, transversim leviter convexo, basi longitudine sua paullo plus quam duplo latiore, apice quam basi parum angustiore, utrinque vitta latiuscula laterali postice abbreviata nigra signato, callis sat discretis, lateribus rectis, margine postico levissime sinuato; scutello transverso, sæpe linea media percurrente pallida notato; hemelytris in utroque sexu valde abbreviatis, medium segmenti secundi dorsalis abdominis haud superantibus, totis coriaceis, apice rotundato truncatis et versus medium interdum macula parva marginali nigra ornatis, angulis apicalibus externo et interno obtuse rotundatis, sutura communi scutello æquilonga; lateribus pro- et mesostethii albidis; femoribus omnibus fusco-conspurcatis, femoribus posticis elongatis, fortiter incrassatis, antice serie setarum nigrarum e punctis nigris nascentibus instructis, tibiis albido-flavescentibus, nigro-spinulosis, spinulis e punctis minutis nigris nascentibus, tarsis pallidis, apice nigris. Long. ♂ $1\frac{3}{4}$ —2, ♀ $2\frac{1}{3}$ — $2\frac{1}{2}$ mill.

Orthocephalus tristis FIEB Eur. Hem. p. 292. 1. (1861).

Dimorphocoris tristis REUT. Hem. Gymn. Eur. IV. p. 97. 9. tab. III. fig. 2. (1891.)

Hispania: Ciudad Real. (Mus. Hung.) Utrosque sexus benevole misit Rev. Dom. J. M. DE LA FUENTE.

Species parva, in utroque sexu brachyptera, haud dimorpha ab omnibus congenericis distinctissima. An ne ad novum genus referenda?

Piezocranum seminulum n. sp.

Breviter et late ovatum, nigrum, nitens; capite latitudine sua cum oculis duplo brevior et basi pronoti paullo augustiore, vertice usque a basi declivi cum fronte sensim confluyente, ante marginem posticum acutum transversim impresso, clypeo leviter arcuato, basi a fronte leviter discreto; articulo secundo antennarum latitudine verticis $\frac{1}{5}$ brevior, articulis duobus apicalibus simul sumtis articulo præcedente longioribus, articulo ultimo penultimo brevior; pronoto transverso, latitudine sua basali $2\frac{1}{3}$ brevior, callis sat discretis, lobo postico confertim rugoso-punctato; scutello subtilissime transversim aciculato; hemelytris totis coriaceis, dense impresso-punctatis, abbreviatis, apice oblique truncatis, extus usque ad apicem segmenti quarti abdominalis extensis, sed intus maximam partem segmenti quarti et partem mediam segmenti tertii detectas relinquuntibus, angulo apicali externo late rotundato. ♀. Long. $2\frac{1}{4}$ mill.

Hispania: Ciudad Real. (Coll. DE LA FUENTE et Mus. Hung.)

P. simulanti HORV. (*punctatipenni* REUT.) valde affine et simillimum, differt statura minore, capite minus transverso, vertice minus fortiter declivi, fronte et clypeo impressione obsoleta discretis hemelytrisque densius et paullo subtilius punctulatis.

Halticus asperulus n. sp.

Niger, subnitidus, pronoto, scutello et hemelytris dense distincteque rugoso-punctatis et brevissime nigro-pilosulis; capite lævigato, transverso, ab antico viso æquilateraliter triangulari, latitudine basali pronoti nonnihil angustiore, vertice acute marginato, fronte leviter convexa, clypeo apice quam medio haud latiore, basi a fronte impressione discreto, labro angusto; oculis exsertis, distincte ultra latera pronoti prominulis; articulis duobus basalibus antennarum luteis, articulo secundo latitudini basali pronoti æquilongo, articulis duobus apicalibus nigricantibus; rostro coxas intermedias haud superante, luteo, articulis primo et quarto nigris; pronoto trapezoideo, basi longitudine sua fere duplo latiore, apice quam basi circiter $\frac{1}{3}$ angustiore; hemelytris completis, apicem abdominis paullo superantibus, membrana fusco-nigra; coxis anterioribus pedibusque posticis nigris, femoribus posticis apice ipso, annulo antepicali tibiæ posticarum articuloque primo tarsorum posticorum luteis. ♂. Long. $2\frac{1}{2}$ mill.

Armenia rossica: Kasikoporan. (Mus. Hung.)

Punctura pronoti, scutelli et hemelytrorum profunde impressa, densa et rugosa *H. rugoso* RÆVT. similis videtur, ab eo autem capite toto, basi et apice rostri coxisque nigris nec non hemelytris completis haud flavo-pubescentibus mox distinguendus. Ab *H. pusillo* H.-SCH. et affinis corpore superne fortiter punctato, statura angustiore, oculis ultra latera pronoti distincte prominentibus, pronoto antrorsum fortius angustato, femoribus posticis tantum apice ipso luteis tibiisque fere totis nigris divergit.

Pedes anteriores desunt in specimine descripto.

Macrotylus Fuentei n. sp.

Oblongo-ovatus, roseus, superne longitrorsum albido-lineatus et breviter nigro-pilosus; capite levissime nutante, pronoto fere æquilongo, latitudine sua cum oculis paullo brevior, vertice oculo duplo latiore et vitta percurrente flavo-albida notato; articulis duobus basalibus antennarum rufo-ferrugineis, articulo primo subtus articuloque secundo basi ipsa nigris (articuli duo apicales in exemplis descriptis desunt); rostro apicem coxarum posticarum attingente, flavo-testaceo, apice nigro; pronoto basi longitudine sua duplo latiore, roseo-albido, vittis tribus longitudinalibus marginibusque callorum roseis, lateribus acutis et paullo ante angulos posticos leviter sinuatis, callis bene discretis; scutello roseo, vittis duabus lateralibus flavo-vel roseo-albidis notato; hemelytris haud pellucidis, linea percurrente clavi, nec non vitta interna, linea longitudinali media margineque costali corii et margine externo cunei flavo-albidis, membrana apicem abdominis superante, griseo-fuscescente, albido-venosa; marginibus segmentorum pectoris et ventris pedibusque flavo-testaceis, femoribus obsolete rubro-conspersis, tibiis subtilissime nigro-spinulosis, tarsis nigris. ♀. Long. $4\frac{3}{4}$ —5 mill.

Hispania: Ciudad Real. (Mus. Hung.)

Species hæc pulchra a Rev. Dom. J. M. DE LA FUENTE inventa, quam nomine egregii inventoris ornavi, ab omnibus congenericis colore roseo facillime distinguenda. *M. nigricorni* FIEB. et *lutescenti* FIEB. affinis, differt autem corpore haud nigro-picto, articulis duobus basalibus antennarum maximam ad partem rufo-ferrugineis hemelytrisque longitrorsum albido-lineatis.

Byrsoptera syriaca PUT.

Mas: Elongatus, parallelus, obscure fusco-ferrugineus (an immaturus?), glaber; vertice oculo $1\frac{2}{3}$ latiore; articulo primo toto basi que ima articuli secundi antennarum nigris, articulo secundo latitudine basali

pronoti fere triplo longiore, stramineo, apice ipso leviter infuscato, articulis duobus apicalibus simul sumtis articulo secundo paullo longioribus, fusciscentibus, articulo tertio basi pallido; rostro stramineo, articulo primo toto apiceque articuli quarti fuscis; pronoto trapezoideo, margine basali longitudine sua $\frac{1}{3}$ latiore, lateribus levissime sinuatis; hemelytris completis, dilute fuscis, limbo angusto costali corii cuneoque toto albidis, membrana fusciscente, fusco-venosa, macula parva ad apicem cunei hyalina; coxis flaviscenti-albidis. Long. $4\frac{1}{4}$ mill.

Syria: Kaifa. (Mus. Hung.)

A mare *B. rufifrontis* FALL. oculis minus exsertis, pronoto antrorsum minus fortiter angustato, colore antennarum margineque costali corii albido divergit.

Pedes desunt in exemplo descripto.

Plagiognathus bipunctatus RÆT. var. picticornis n. var.

Colore plus minusve in glauco-virescentem vergente; apice ipso capitatis et articulo primo basique articuli secundi antennarum nigris vel nigricantibus. ♂. ♀.

Hungaria: Budapest, Isaszeg, Bánhegyes, Baranya-Szent-Lőrincz, Jazova, Orsova, Drassó, Tövis, Mező-Záh, Görgény. (Mus. Hung.)

Varietatem hanc olim (Revue d'Entomologie 1894. p. 193.) eandem esse putavi cum *Plagiognatho fuscilori* RÆT., cui pictura capitatis et antennarum re vera simillima est. Differt autem ab illa notis specificis, i. e. statura majore, vertice paullo angustiore tibiisque anticis totis impunctatis.